

վարչական տույժ նշանակելու մասին

15 փետրվարի 2021թ.

ք.Գյումրի

ՀՀ ՊԵԿ Հյուսիսային մաքսատուն-վարչության պետի ժ/պ Նարեկ Գևորգյանս, քննելով Հարություն Թովմասի Մուրադյանի (անձնագիր՝ AN0612806, հասցե՝ ք. Երևան, Շենգավիթ, Ն Չարբախ փ 5, նրբ 3, տուն 15) կողմից մաքսային կանոնների խախտում կատարելու վերաբերյալ նյութերը.

Պ Ա Ր Զ Ե Ց Ի

Հարություն Թովմասի Մուրադյանը թիվ 05100033/041220/0046801 տարանցման հայտարարագրով Բագրատաշենի մաքսային կետ-բաժին անցակետով ՀՀ տարածք ներմուծել NISSAN մակնիշի, J31211964 նույնականացման համարով տրանսպորտային միջոց, որի նշանակման մաքսային մարմին՝ Հյուսիսային մաքսատուն-վարչություն հասցնելու ժամկետն էր 14.12.2020 թվականը:

Մաքսային հսկողության ներքո գտնվող տրանսպորտային միջոցը և ուղեկցող փաստաթղթերը Հայաստանի Հանրապետության մեկ մաքսային մարմնից մյուս մաքսային մարմին սահմանված ժամկետում չեն հասցվել:

Դեպքի կապակցությամբ 17.12.2020 թվականին Հարություն Թովմասի Մուրադյանի նկատմամբ կազմվել է մաքսային կանոնների խախտման վերաբերյալ արձանագրություն ՀՀ մաքսային օրենսգրքի 195-րդ հոդվածի հատկանիշներով:

Գործի քննությունը նշանակվել է 15.02.2021թ. ժամը 12:15-ին: Արձանագրության և ծանուցագրի օրինակը պատշաճ կարգով ուղարկվել է կողմին: <ՀԱՅՓՈՍ> ՓԲԸ-ի կողմից ծրարը հետ է վերադարձվել: Սույն վարույթի շրջանակներում Հարություն Թովմասի Մուրադյանի հաշվառման վայրի վերաբերյալ ՀՀ ՊԵԿ Հյուսիսային մաքսատուն-վարչության պետի 22.12.2020թ. թիվ 27.2/80478-2020 գրությամբ հարցում է կատարվել ՀՀ ոստիկանության անձնագրային և վիզաների վարչություն: ՀՀ ոստիկանության անձնագրային և վիզաների վարչության թիվ 3606-2021 գրությամբ վերջինս հաշվառված է եղել ք. Երևան, Շենգավիթ, Ն Չարբախ փ 5, նրբ 3, տուն 15 հասցեում:

ՀՀ ՊԵԿ գլխավոր քարտուղարի թիվ 1/27.2/79549-2020 գրությամբ հարցում է կատարվել ՀՀ կադաստրի կոմիտե՝ քաղաքացու անվամբ գրանցված գույքի վերաբերյալ՝ ըստ հասցեի: ՀՀ կադաստրի կոմիտեի թիվ 64651-2020 գրությամբ տեղեկացվել է, որ նշված քաղաքացու անվամբ որևէ անշարժ գույքի անվամբ գրանցում կատարված չէ:

ՀՀ ՊԵԿ Հյուսիսային մաքսատուն-վարչության պետի 22.12.2020թ. թիվ Ն/27.2/206649-2020 գրությամբ հարցում է կատարվել ՀՀ ՊԵԿ ներքին անվտանգության վարչություն Հարություն Թովմասի Մուրադյանի սահմանատումների վերաբերյալ

տեղեկատվություն ստանալու վերաբերյալ: ՀՀ ՊԵԿ Ներքին անվտանգության վարչության թիվ Ն/2-5/206948-2020 գրությամբ տրամադրված տեղեկությունների համաձայն Հարություն Թովմասի Մուրադյանի մուտքի-ելքի վերաբերյալ տեղեկություններ առկա չեն:

ԵԱՏՄ մաքսային օրենսգրքի 144-րդ հոդվածի 1-ին մասի համաձայն՝ ապրանքները <<մաքսային տարանցում>> մաքսային ընթացակարգով ձևակերպելիս ուղարկող մաքսային մարմինը սահմանում է այն ժամկետը, որի ընթացքում ապրանքները ուղարկող մաքսային մարմնից պետք է հասցվեն նշանակման մաքսային մարմին (այսուհետ՝ մաքսային տարանցման ժամկետ):

Նույն հոդվածի 3-րդ մասի համաձայն՝ մաքսային տարանցման առավելագույն ժամկետը չի կարող գերազանցել 1 ամսում 2 հազար կիլոմետր հաշվարկով սահմանվող ժամկետը, կամ <<մաքսային տարանցում>> մաքսային ընթացակարգով ձևակերպվող ապրանքների փոխադրման առանձնահատկությունների հաշվառմամբ Հանձնաժողովի կողմից սահմանվող ժամկետը:

Օրենսգրքի 151-րդ հոդվածի 1-ին մասի համաձայն՝ <<մաքսային տարանցում>> մաքսային ընթացակարգի գործողությունն ավարտվում է ուղարկվող մաքսային մարմնի կողմից սահմանված՝ ապրանքների առաքման վայր ապրանքները հասցնելուց հետո:

ՀՀ մաքսային օրենսգրքի 195-րդ հոդվածի համաձայն՝ Հայաստանի Հանրապետության մեկ մաքսային մարմնից մյուս մաքսային մարմին մաքսային հսկողության ներքո գտնվող ապրանքները կամ տրանսպորտային միջոցները սահմանված ժամկետում չհասցնելը՝ առաջացնում է տուգանքի նշանակում՝ 100.000 ՀՀ դրամի չափով:

ՀՀ մաքսային օրենսգրքի 219-րդ հոդվածի 2-րդ մասի համաձայն՝ մաքսային կանոնների վերաբերյալ գործը կարող է քննվել նաև տվյալ անձի բացակայության դեպքում, եթե քննության տեղի և ժամանակի մասին սահմանված կարգով նրան տեղյակ է պահվել, սակայն վերջինիս կողմից որևէ միջնորդություն չի հարուցվել, կամ եթե անձը բացակայում է, և հայտնի չէ նրա գտնվելու վայրը, կամ եթե նա գտնվում է Հայաստանի Հանրապետության սահմաններից դուրս: Նույն հոդվածի 3-րդ մասի համաձայն 2-րդ կետում նշված դեպքում մաքսային մարմնի պաշտոնատարն անհրաժեշտ բոլոր գործողությունները կատարում և գործը քննում է օրենսդրությամբ սահմանված կարգով:

Ելնելով վերոգրյալից և ղեկավարվելով ՀՀ մաքսային օրենսգրքի 195-րդ, 206-րդ և ՀՀ վարչական իրավախախտումների վերաբերյալ օրենսգրքի 32-րդ և 234-րդ հոդվածներով՝


Ո Ր Ո Շ Ե Ց Ի

1. Հարություն Թովմասի Մուրադյանին ճանաչել զանցառու ՀՀ մաքսային օրենսգրքի 195-րդ հոդվածով և նրա նկատմամբ նշանակել վարչական տուգանք՝ 100.000 ՀՀ դրամի չափով (վարչական տուգանքն անհրաժեշտ է փոխանցել 900005024055 հաշվեհամարին, նշելով Հյուսիսային մաքսափուն-վարչության կողմ՝ 28):

2. Որոշման մասին հայտնել Հարություն Թովմասի Մուրադյանին:
3. ՀՀ մաքսային օրենսգրքի 221-րդ հոդվածի 2-րդ մասի համաձայն որոշումն ուժի մեջ է մտնում այն կայացնելու պահից և համաձայն ՀՀ ՄՕ 222-րդ հոդվածի 2-րդ մասի որոշումը կարող է բողոքարկվել վերադաս մաքսային մարմին (պաշտոնատար անձին) կայացնելուց հետո՝ 10 օրվա ընթացքում կամ ՀՀ վարչական դատարան՝ ՀՀ վարչական դատավարության օրենսգրքով սահմանված կարգով՝ երկամսյա ժամկետում:

ՀՅՈՒՍԻՍԱՅԻՆ

ՄԱՔՍԱՏՈՒՆ-ՎԱՐՉՈՒԹՅԱՆ ՊԵՏԻ
ԺԱՄԱՆԱԿԱՎՈՐ ՊԱՇՏՈՆԱԿԱՏԱՐ



Ն. ԳԵՎՈՐԳՅԱՆ